



Aneks 2 Modula 4 – Besplatna pravna pomoć

Pravna pomoć u pravosudnom sistemu BiH je propisana zakonom i služi kao bitan faktor zaštite prava osumnjičenih/optuženih osoba. Institucija zadužena za pružanje besplatne pravne pomoći je Ured Ministarstva pravde BiH.

Korisnici besplatne pravne pomoći mogu biti državlјani BiH i osobe sa redovnim boravištem u BiH, kao i lica koja su pod međunarodnom zaštitom u BiH, a kojima su povrijeđena prava zagarantovana međunarodnim konvencijama. U pružanju pravne pomoći nema diskriminacije, ukoliko su ispunjeni zakonski uslovi.¹

Pravo na besplatnu pravnu pomoć na temelju statusa ostvaruje²:

- osoba koja prima socijalnu pomoć
- dijete u skladu s Konvencijom o pravima djeteta
- osoba kojoj je oduzeta poslovna sposobnost i duševno oboljela osoba
- uživatelj mirovine koja je niža od prosječne plaće ostvarene na razini Bosne i Hercegovine
- osoba koja je nezaposlena i nema drugih redovitih primanja i prihoda
- žrtva nasilja u obitelji ili nasilja na temelju spola
- tražitelj azila, osoba pod supsidijarnom ili privremenom zaštitom, osoba u postupku protjerivanja, apatrid i žrtva trgovine ljudima.

Pravo na besplatnu pravnu pomoć ostvaruje i osoba lošeg imovinog stanja kada to utvrdi nadležno tijelo za pružanje besplatne pravne pomoći.

Besplatna pravna pomoć ostvaruje se kao pravo na: a) opće informacije o pravima i obvezama; b) pomoć u popunjavanju obrazaca; c) pravne savjete; d) pravnu pomoć pri sastavljanju svih vrsta podnesaka; e) zastupanje pred tijelima uprave i upravnim organizacijama i institucijama Bosne i Hercegovine; f) zastupanje pred Sudom; g) sastavljanje žalbe; h) pravnu pomoć u postupcima mirnog rješavanja sporova i) sastavljanje podnesaka koji se dostavljaju sudu.³

¹Član 2 Zakona o pružanju besplatne pravne pomoći BiH

² Član 15 Zakona o pružanju besplatne pravne pomoći BiH

³ Član 11 Zakona o pružanju besplatne pravne pomoći BiH